

ხელშეკრულება
სახელმწიფო შესყიდვის შესახებ № 01-20/43

ქ. თბილისი

4 მარტი, 2011 წელი

ერთის მხრივ, დიასპორის საკითხებში საქართველოს სახელმწიფო მინისტრის აპარატი (შემდგომში – შემსყიდველი), წარმოდგენილი სახელმწიფო მინისტრის პირველი მოადგილის ირაკლი ნადირაძის სახით და მეორეს მხრივ, შპს „ფავორიტი სტუდიო“ (შემდგომში – შემსრულებელი) წარმოდგენილი მისი დირექტორის თამარ ჯაფარიძის სახით, ვხელმძღვანელობთ რა საქართველოში მოქმედი კანონმდებლობით, ვღებთ წინამდებარე ხელშეკრულებას შემდეგ ზე:

1. ხელშეკრულების საგანი

1.1 ხელშეკრულების საგანია გამარტივებული შესყიდვის საშუალებით, ორ ცალ **IPOD TOUCH 8 GB**-ზე საქართველოს გერბის ლაზერული გრავირების მომსახურების შესყიდვა, წინამდებარე ხელშეკრულებით გათვალისწინებული პირობების შესაბამისად.

2. ხელშეკრულების ღირებულება

- 2.1. მომსახურების საერთო ღირებულება შეადგენს **38 (ოცდათვრამეტი) ლარს**.
- 2.2. მომსახურების ფასი და ხელშეკრულების საერთო ღირებულება შეიცავს შემსრულებლის ყველა ხარჯებს, დაკავშირებულს მომსახურების გაწევასთან და შემსყიდველის საკუთრებაში გადაცემასთან, ასევე კანონით გათვალისწინებულ ყველა გადასახადს.
- 2.3. ხელშეკრულების ღირებულება შესაძლებელია გადასინჯულ იქნას საქართველოს ეროვნული ვალუტის ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლის და სხვათა გათვალისწინებით.

3. შესყიდვის ობიექტის ხარისხი

3.1. შემსრულებელი პასუხს აგებს გაწეული მომსახურების ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი მიწოდებიდან 20 კალენდარული დღის განმავლობაში და თუ აღმოჩნდება, რომ მომსახურება შესრულებულია უხარისხოდ, შემსრულებელი ვალდებულია 10 კალენდარული დღის განმავლობაში გაუწიოს შემსყიდველს ახალი მომსახურება ან დაუბრუნოს შემსყიდველს აღნიშნული მომსახურების ღირებულება.

4. მიწოდების წესი და ინსპექტირების პირობები

- 4.1. მომსახურების გაწევას უზრუნველყოფს შემსრულებელი საკუთარი ხარჯებით;
- 4.2. შემსყიდველი ვალდებულია 5 დღით ადრე შეატყობინოს შემსრულებელს ახალი მომსახურების გაწევის მოთხოვნის შესახებ.
- 4.3. შემსრულებელი ვალდებულია ყოველი ახალი მომსახურების გაწევისას უზრუნველყოს თანმხლები დოკუმენტაცია (საგადასახადო ანგარიშფაქტურა, სასაქონლო ზედნადები);
- 4.4. შემსყიდველი უფლებამოსილია, მომსახურების გაწევის დროს ჩაატაროს მისი შემოწმება/ტექნიკური კონტროლი, ასევე ხელშეკრულების პირობების შესრულების ინსპექტირება, რისთვისაც გამოყოფს უფლებამოსილ პირს გიორგი ლომაძეს.
- 4.5. შემსყიდველი უფლებამოსილია განაცხადოს უარი დაგვიანებით ან უხარისხოდ გაწეულ მომსახურებაზე ან არასრული თანმხლები დოკუმენტაციის მიღებაზე;
- 4.6. მომსახურების გაწევა დასტურდება ორივე მხარის მიერ ხელმოწერილი მიღება-ჩაბარების აქტით;

5. ანგარიშსწორების წესი

- 5.1. შემსრულებელთან ანგარიშსწორება განხორციელდება ღარებში წარმოდგენილი სასაქონლო ზედნადების და/ან საგადასახადო ანგარიშფაქტურის საფუძველზე.
- 5.2. ანგარიშსწორება მოხდება მყიდველის მიერ სასაქონლო ზედნადების და/ან საგადასახადო ანგარიშფაქტურის მიღებიდან 15 სამუშაო დღის განმავლობაში.
- 5.3. გადახდის ფორმა: უნაღდო ანგარიშსწორება.
- 5.4. შესაბამისი საბანკო გარანტიის წარმოდგენის შემთხვევაში შესაძლებელია გამოყენებულ იქნას წინასწარი გადახდის მეთოდი.

6. მხარეთა სხვა უფლება-მოვალეობანი

- 6.1. შემსყიდველი უფლებამოსილია არ ჩაიბაროს გაწეული მომსახურება იმ შემთხვევაში, თუ აღმოჩნდება ნაკლოვანებები, რომლებიც გამორიცხავენ მომსახურების გამოყენებას დანიშნულებისამებრ.
- 6.2. იმ შემთხვევაში, თუ შემსყიდველი უარს განაცხადებს მიღება-ჩაბარების აქტის ხელმოწერაზე, იგი ვალდებულია 10 დღის განმავლობაში წარუდგინოს შემსრულებელს დასაბუთებული უარი, წინააღმდეგ შემთხვევაში გაწეული მომსახურება ითვლება მიღებულად და ექვემდებარება ანაზღაურებას;
- 6.3. ორივე მხარე უფლებამოსილია შეწყვიტოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში:
 - ა) შემსყიდველის მიერ იმ შემთხვევაში, თუ შემსრულებელი ვერ უზრუნველყოფს თავისი მიზეზით ხელშეკრულებით გათვალისწინებული შესაბამისი ხარისხის მომსახურების დადგენილ ვადებში განხორციელებას;
 - ბ) შემსრულებლის მიერ იმ შემთხვევაში, როდესაც შემსყიდველი არ უზრუნველყოფს ხელშეკრულებით გათვალისწინებულ პირობების შესრულებას;

7. მხარეთა პასუხისმგებლობა ხელშეკრულების დარღვევისას

- 7.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 7.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა.
- 7.3. მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 7.4. შემსრულებლის მიზეზით მომსახურების გაწევის ვადის დარღვევის შემთხვევაში იგი ჯარიმდება ყოველ გადაგადაცილებულ დღეზე 0,1 %-ით ხელშეკრულების საერთო ღირებულებიდან.
- 7.5. შემსყიდველი პასუხს არ აგებს საქართველოს ფინანსთა სამინისტროს მიერ განხორციელებულ ბიუჯეტის სეკვესტრის შემთხვევაში, შემსრულებლისათვის 2.1 პუნქტის მიხედვით აღებულ ვალდებულებაზე. წინააღმდეგ შემთხვევაში, გადახდის ვადის გადაცილებისას შემსრულებელი უფლებამოსილია დააკისროს შემსყიდველს საურავი ყოველ გადაგადაცილებულ დღეზე გადაუხდელი თანხის 0.1 %-ის ოდენობით.

8. ხელშეკრულების მოქმედების ვადა

- 8.1 ხელშეკრულება ძალაშია მხარეების მიერ ნაკისრი ვალდებულებების სრულ შესრულებამდე, არაუგვიანეს 2011 წლის 31 მარტისა.

9. გადაუდებელი აუცილებლობა (ფორს-მაჟორი)

- 9.1. მხარეები თავისუფლდებიან პასუხისმგებლობისაგან ხელშეკრულებით აღებული ვალდებულებების შეუსრულებლობისათვის, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 9.2. ფორს-მაჟორული გარემოებების დადგომის შემთხვევაში, როდესაც შეუძლებელი ხდება ნაკისრი ვალდებულებების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

10. დავები და მათი გადაწყვეტის წესი

- 10.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 10.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

11. სხვა პირობები

11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

11.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ იმ შემთხვევაში, თუ ის გაფორმებულია წერილობითი სახით და ხელმოწერილია მხარეთა მიერ.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. მხარეთა დასახელება და რეკვიზიტები

შემსყიდველი

დიასპორის საკითხებში საქართველოს
სახელმწიფო მინისტრის აპარატი
საიდენტიფიკაციო კოდი: 205240639

მისამართი:

ქ. თბილისი, ინგოროვას №7
ტელ.: 36 89 66

საბანკო რეკვიზიტები:

ცენტრალური ხაზინა 1668

შემსრულებელი

შ.პ.ს. „ფავორიტი სტუდიო“
საიდენტიფიკაციო კოდი:
404 379 515

მისამართი:

ქ.თბილისი ჩუბინაშვილის ქ.№50
ტელ.: 95 39 29

საბანკო რეკვიზიტები:

სს „თიბისი ბანკი“-ს ცენტრ. ფილიალი
ბ/კ: 220 101 850

ანგარიშის ნომერი: GE20TB1175936020100007

სახელმწიფო მინისტრის
პირველი მოადგილე

შ.პ.ს. „ ფავორიტი სტუდიო“-ს დირექტორი

